

2018 Rhif 564 (Cy. 101)

TRAFFIG FFYRDD, CYMRU

Gorchymyn Cefnffordd yr A483 (Stryd y Gorllewin, Llanfair-ym- Muallt, Powys) (Gwahardd Cerbydau Dros Dro) 2018

Gwnaed *1 Mai 2018*

Yn dod i rym *8 Mai 2018*

Mae Gweinidogion Cymru, sef yr awdurdod traffig ar gyfer y darn perthnasol o Gefnffordd yr A483 Abertawe i Fanceinion, wedi eu bodloni y dylid gwahardd traffig ar ddarn penodedig o'r gefnffordd oherwydd gwaith y bwriedir ei wneud ar y ffordd neu gerllaw iddi.

Mae Gweinidogion Cymru, felly, drwy arfer y pwerau a roddir iddynt gan adran 14(1), (4) a (7) o Ddeddf Rheoleiddio Traffig Ffyrdd 1984(1), yn gwneud y Gorchymyn hwn.

Enwi, Cychwyn a Dehongli

1. Enw'r Gorchymyn hwn yw Gorchymyn Cefnffordd yr A483 (Stryd y Gorllewin, Llanfair-ym-Muallt, Powys) (Gwahardd Cerbydau Dros Dro) 2018 a daw i rym ar 8 Mai 2018.

2.—(1) Yn y Gorchymyn hwn:

ystyr "cyfnod y gwaith" ("*works period*") yw'r cyfnod hwnnw sy'n dechrau am 19:30 o'r gloch ar 8 Mai 2018 ac sy'n dod i ben pan gaiff yr arwyddion traffig dros dro eu symud ymaith yn barhaol;

(1) 1984 p.27; amnewidiwyd adran 14 gan adran 1(1) o Ddeddf Traffig Ffyrdd (Cyfyngiadau Dros Dro) 1991 (p.26) ac Atodlen 1 iddi. Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p.32) a pharagraff 30 o Atodlen 11 iddi, mae'r pwerau hyn yn arferadwy bellach gan Weinidogion Cymru o ran Cymru.

ystyr “y gefnffordd” (“*the trunk road*”) yw Cefnffordd yr A483 Abertawe i Fanceinion.

(2) Mae unrhyw gyfeiriad yn y Gorchymyn hwn at erthygl â rhif yn gyfeiriad at yr erthygl sy'n dwyn y rhif hwnnw yn y Gorchymyn hwn.

Gwaharddiad

3. Ni chaiff neb, yn ystod cyfnod y gwaith, yrru unrhyw gerbyd, na pheri na chaniatáu i unrhyw gerbyd fynd tua'r gorllewin ar y darn o'r gefnffordd o'r enw Stryd y Gorllewin, Llanfair-ym-Muallt, Powys, sy'n ymestyn o bwynt 10 metr i'r gorllewin o ganolbwynt ei chyffordd â Stryd y Farchnad hyd at bwynt 5 metr i'r dwyrain o ganolbwynt ei chyffordd â Ffordd Smithfield.

Atal Dros Dro

4. Mae darpariaethau Gorchymyn Cefnffordd (yr A483) (Llanfair-ym-Muallt, Powys) (Traffig Unffordd) 1983(2) wedi eu hatal dros dro mewn cysylltiad â'r darnau o'r gefnffordd o'r enw Stryd Fawr, Stryd yr Eglwys a Stryd y Gorllewin yn ystod y cyfnodau hynny pan fydd y gwaharddiad a bennir yn erthygl 3 o'r Gorchymyn hwn yn weithredol.

Cymhwyso

5. Nid yw'r gwaharddiad yn erthygl 3 yn gymwys ond ar yr adegau hynny ac i'r graddau hynny y bydd arwyddion traffig yn eu dangos.

Cyfnod Para'r Gorchymyn hwn

6. Bydd y Gorchymyn hwn yn para am 18 mis ar y mwyaf.

Llofnodwyd o dan awdurdod Ysgrifennydd y Cabinet dros yr Economi a Thrafnidiaeth, un o Weinidogion Cymru.

Dyddiedig

1 Mai 2018

Richard Morgan

Pennaeth Rheoli Asedau a Safonau
Llywodraeth Cymru